

# A Tè Surella

Senti u stridu di u chjonchju  
Ribumbà trà mez'è fronde  
È u rughju sopra l'onde  
Di Tavignanu u camonchju  
Acqua chieta sbond'i muri  
Oghje nè simu sicuri

Ascolta u fiscu stridente  
Di l'omu addisperatu  
Nant'e sponde splendurente  
Ellu cerca l'altu pratu  
Quellu chì frischja a notte  
Forse chjamerà a morte

Senti ughjulà lu ventu  
E l'animali famiti  
Què sò voce di spaventu  
È anime di rimiti  
Streghe maghi surpatore  
Cresce lu nostru terrore

Ma ùn'appia timore  
Sippii curagios'è fiera  
Camina sin'a la sera  
Senza teme lu rimore  
Di sti lochi di furore  
Nè feremu u nostr'albore

Tempu ghjunt'à la casetta  
Trinca versu à Bocca piana  
Quì ci canta una funtana  
E un nè manca filetta  
Tandu sarè a mio fata  
E per sempr'a mio spusata

Un trema più zitelletta

Manc'ùn pensa à la morte  
Un lettinu di filetta  
Ci ferà francà a notte  
E insieme sparteremu  
A passione chi ci move ...